



CONCELLO DE XERMADE
Praza do Concello, s/n
27833 Xermade (Lugo)
Tel.: 982 501 001
Fax: 982 501 027
www.xermade.org

ACTA DA SESIÓN ORDINARIA DO CONCELLO PLENO CELEBRADA O
DÍA ONCE DE FEBREIRO DE DOUS MIL DEZASEIS.

ASISTENTES:

Presidente:

D. Roberto García Pernas.

Concelleiros:

D. José Prieto Barro.
D. Carlos Alberto Guerra González.
Dª Tamara Paz Balsa.
D. Tomás Rodríguez Arias.
D. Antonio Riveira Requeijo
D. Mario Félix García Prieto
Dna. Isabel Campello Ares.
D. Óscar González Pardo
Dna. María do Mar Hermida Pico

Excusa asistencia D. Luis A. Vilasuso Seco .

No salón de sesións da Casa do Concello de Xermade, sendo as vinte horas e cinco minutos do día once de febreiro de dous mil dezaseis , xúntanse, en cumprimento do disposto nos artigos 195 da Lei Orgánica 5/1985 de 19 de xuño de Réxime Electoral Xeral e art. 37.1 do Regulamento de Organización, Funcionamento e Réxime Xurídico das Corporacións Locais, aprobado por RD 2568/86 de 28 de novembro, en sesión ordinaria, primeira convocatoria, previamente convocados para o efecto, os concelleiros/as electos/as relacionados/as na marxe, co obxecto de celebrar sesión ordinaria.

Foron asistidos pola Secretaria-Interventora do Concello Dona Ana Elena Fernández del Valle.

Secretaria- Interventora:

Dna. Ana Elena Fernández del Valle .

1.- APROBACIÓN DO BORRADOR DA ACTA DA SESIÓN ANTERIOR.

Antes de iniciar o análise dos asuntos da orde do día, o voceiro do BNG Óscar González Pardo, propón gardar un minuto de silencio por unha nova vítima da violencia de xénero na localidade veciña de Becerreá.

O Sr. Alcalde pregúntalles aos señores concelleiros se desexan realizar alguma observación sobre o borrador da acta da sesión anterior de carácter ordinario, de data 10 de decembro de 2015.

A concelleira do BNG Dª María do Mar Hermida pregúntalle ó Alcalde se non ten nada que dicir en relación co contido da acta. O Alcalde di que en principio non hai nada que alegar, respondendo dita concelleira que na mesma aparece recollido que as declaracíons de intereses publicaránse na web do concello, e aínda non aparecen. O Alcalde di que avisará ó encargado de actualizar a páxina web.

Non se formulan observacións ao contido da acta polo que a mesma resulta aprobada por unanimidade dos concelleiros asistentes .

2.-INFORMES, RESOLUCIÓNNS DA ALCALDÍA E ACTAS DA XUNTA DE GOBERNO LOCAL.

1º. De conformidade co disposto no artigo 42 do Real Decreto 2568/86 do 28 de novembro, polo que se aproba o Regulamento de organización, funcionamento e réxime xurídico das entidades locais, dáse conta ós concelleiros das Resolucións da Alcaldía ditadas entre os días sete (7) de decembro ata o catro (4) de febreiro de 2016 (nº 437 ó 29 incluídos).

A Corporación dáse por enterada.

2º. Por parte da Secretaría-Intervención do Concello ponse en coñecemento do Pleno:

- En data 12 de xaneiro de 2016 , remitiuse a través da Oficina Virtual das Entidades Locais,o informe anual de morosidade nas operacións comerciais do ano 2015.
- En data 12 de xaneiro de 2016 , remitiuse a través da Oficina Virtual das Entidades Locais,o informe sobre o período medio de pago aos provedores correspondente ó cuarto trimestre do 2015.
- En data 21 de xaneiro de 2016 , remitiuse a través da Oficina Virtual das Entidades Locais, a información relativa á execución do orzamento relativa ó cuarto trimestre do exercicio 2015.
- En data 1 de febreiro de 2016, , remitiuse a través da Oficina Virtual das Entidades Locais, a información relativa aos tipos impositivos municipais para o ano 2016.

A Corporación dáse por enterada.

3.- EXPEDIENTE DE RECOÑECIMENTO EXTRAXUDICIAL DE CRÉDITOS Nº 1/2016.

Dáse conta da seguinte Proposta de Alcaldía :

○ ***PROPOSTA DE ALCALDÍA***

Ante a presentación de gastos pertencentes ao exercicio anterior, documentados mediante as correspondentes facturas ou relacións de pagos.

Visto o informe de Secretaría-Intervención de data 26 de xaneiro de 2016 , onde consta que en aplicación do artigo 60.2 do Real Decreto 500/1990, de 20 de abril, o recoñecemento de obrigas correspondentes a exercicios anteriores que, por calquera causa, non o houberan sido en aquel ao que correspondían, é competencia do Pleno da Corporación, e que en este caso concreto é posible a súa realización.

En atención ao exposto, propón ao Pleno da Corporación a adopción do seguinte Acordo:

PRIMEIRO. Aprobar o recoñecemento extraxudicial dos créditos correspondentes ó exercicio anterior que se establecen na relación de gastos que se adjunta ao expediente,

SEGUNDO. Aplicar con cargo ao Orzamento do exercicio 2016 os correspondentes créditos, no importe e nas aplicacións orzamentarias que figuran na relación.

En Xermade, a 27 de xaneiro de 2016. O Alcalde.- Roberto García Pernas.

O Alcalde explica, que a contía total do expediente de recoñecemento extraxudicial ascende a 20.463,65 euros , procedentes dunha factura de 240 euros, de trofeos deportivos, para a que non existía crédito a nivel de partida nin a nivel de bolsa de vinculación, e os restantes 20.233,65 corresponden aos focos de alumeadoo público, o que supón unha aportación municipal individual de 30,05 euros por consumo, que multiplicados polos usuarios das distintas parroquias , ascende a dita contía. Sinala que

dito mecanismo xa se veu levando a cabo nos últimos anos.

O voceiro do BNG preguntou, en relación co gasto en trofeos, se solicitou algunha subvención á Deputación Provincial, e por outra banda, en canto o alumeadou, se tomou algunha medida para solucionar o problema se sabe que todos os anos pasa o mesmo. O Alcalde dí que non o sabe, que tería que consultalo co técnico de emprego, que é o que se ocupou do tema da carreira popular e en relación coa segunda pregunta dí que inicialmente non.

A concelleira Dª María do Mar Hermida Pico di que o técnico de emprego non é o concelleiro delegado de deportes, senón D. Carlos Alberto Guerra González, e o Alcalde dí que tradicionalmente era dito técnico o encargado das xestións da carreira.

Sometido o asunto a votación, o Pleno do Concello, por oito votos a favor, dos catro concelleiros presentes do grupo socialista, os catro do grupo popular, e as dúas abstencións dos concelleiros do BNG, **ACORDA**:

PRIMEIRO. Aprobar o recoñecemento extrajudicial dos créditos correspondentes ó exercicio anterior que se establecen na relación de gastos que se adxunta ao expediente,

SEGUNDO. Aplicar con cargo ao Orzamento do exercicio 2016 os correspondentes créditos, no importe e nas aplicacións orzamentarias que figuran na relación.

- **4.- PROPOSTA DE APROBACIÓN DO ORZAMENTO MUNICIPAL PARA O 2016**
Toma a palabra o Alcalde, quen procede a explicar o detalle de gastos e ingresos de acordo á seguinte ,

PROPOSTA DE ALCALDÍA

Visto o expediente tramitado de Orzamento municipal para o exercicio 2016 do Concello de Xermade, esta Alcaldía propón que o Pleno municipal adopte o seguinte acordo:

PRIMEIRO.- Aprobar inicialmente o Orzamento Municipal do Concello para o exercicio de 2016 que se presenta nivelado no seu Estado de Gastos e de Ingresos, ascendendo en ambos estados á cantidad de **1.546.830,89 € (UN MILLÓN**

QUIÑENTOS CORENTA E SEIS MIL OITOCENTOS TRINTA EUROS CON OITENTA E NOVE CÉNTIMOS), así coma toda a documentación e anexos a el incorporados, asignándose a cada un dos Capítulos as seguintes cantidades:

ORZAMENTO DE GASTOS 2016	ORZAMENTO DE INGRESOS 2016
OPERACIÓN CORRIENTES	INGRESOS CORRIENTES
CAPITULO 1 312.954,96	CAPITULO 1 448.000,00
CAPITULO 2 1.013.841,92	CAPITULO 2 10.000,00
CAPITULO 3 4.300,00	CAPITULO 3 191.900,00
CAPITULO 4 39.550,00	CAPITULO 4 813.510,73
-----	CAPITULO 5 1.100,00

Total Gastos Correntes: 1.370.646,88	Total Ingresos Correntes: 1.464.510,73
OPERACIONES CAPITAL	INGRESOS DE CAPITAL
CAPITULO 6 166.538,41	CAPITULO 6 -----
CAPITULO 7 -----	CAPITULO 7 82.320,16 €
CAPITULO 8 -----	CAPITULO 8 -----
CAPITULO 9 9.645,60 €	CAPITULO 9 -----
Total Gastos Capital: 176.184,01 €	Total Ingresos Capital: 82.320,16 €
TOTAL GASTOS: 1.546.830,89 €	TOTAL INGRESOS: 1.546.830,89 €

SEGUNDO.- Aprobar, igualmente, as bases para a execución do devandito orzamento municipal para o exercicio de 2016, tal e como son presentadas.

TERCEIRO.- De conformidade co prevido polo art. 169.1 do Texto Refundido da Lei reguladora das facendas locais aprobado por Real Decreto Lexislativo 2/2004 de 5 de marzo, expoñer ó público, polo prazo de quince días hábiles, o orzamento municipal para o exercicio de 2016 con tódolos documentos que o conforman, mediante a inserción do edicto correspondente no Boletín Oficial desta Provincia e no taboleiro de anuncios da casa do concello, co fin de que os interesados ós que fai referencia o art. 170.1 do TRLRFL, poidan examinalo e presentar, de se-lo caso, as reclamacións que procedan e polas causas taxadas que indica o art. 170.2 da mesma norma, ante o Pleno corporativo, que as resolverá xunto coa aprobación definitiva.

CUARTO.- O expediente completo de referencia considerarase definitivamente aprobado, sen necesidade de adopción de novo acordo, no caso de que non se presenten as reclamacións ás que se fai referencia no parágrafo 4º anterior, procedéndose, de seguido, á publicación do devandito orzamento resumido por capítulos nos anteditos BOP e taboleiro de anuncios, xunto co cadro de persoal e relación dos postos de traballo, tal e como indican os artigos 127 do RDL 781/1986, do 18 de abril, 169.2 do TRLRFL 2/2004, e demais disposicións concordantes aplicables.

QUINTO.- No caso de se presentar reclamacións no prazo indicado no parágrafo 4º do presente deberán ser resoltas, cos informes oportunos previos, polo Pleno Corporativo, resolvendo no mesmo acordo a aprobación definitiva que deixará expedita a vía contencioso-administrativa, procedéndose, trala indicada aprobación, á publicación na forma indicada no parágrafo 5º anterior, tal e como indican os referidos artigos, así como segundo o disposto polo art. 171 do TRLRFL 2/2004, do 5 de marzo.

SEXTO .- Unha vez completo o expediente, enviaranse as copias correspondentes á Administración do Estado e á da Comunidade Autónoma, reservando unha terceira para enviar, no seu día, ó Consello de Contas de Galicia.

Xermade, 28 de xaneiro de 2016. O Alcalde.- Roberto García Pernas.

Trala enumeración dos gastos e ingresos propostos por capítulos, o Alcalde detalla o capítulo IV de transferencias correntes , no que se recollen as distintas subvencións e axudas ás asociacións de veciños, premios de Xermade na Historia, clubes de fútbol , etc..

A continuación fai o mesmo co anexo VI de inversións, detallando as obras que se levarán a cabo con cargo ó ozamento do 2016: obras con cargo a subvencións e obras a realizar con fondos propios. Destacan a compra dun tractor e unha desbrozadora con cargo ó Fondo de Compensación Ambiental, máis a contratacións de dous peons a un 75 % de xornada durante seis meses. Tamén fai mención a unha partida cunha dotación de 20.000 euros para obras de mellora das traídas municipais de auga e obras de saneamento, dentro da cal, levaráse a cabo a obra de mellora do saneamento do Reborero- Roupar .

O Alcalde destaca as pequenas variacións da proposta de orzamento respecto da anterior, rexeitada no pleno ordinario do mes de decembro, e resumindo son as seguintes: pequena dotación para recollida de animais; aumento da partida destinada a subministros e gastos do tractor; consignación para obras de mellora das traídas e rede de saneamento; aportación do IVE para a obra a realizar con cargo ó PDR 2016 etc..

Comeza a quenda de intervención o voceiro do PP, D. Tomás Rodríguez Arias, que dí que a proposta é prácticamente a mesma, cos cambios propostos polo seu partido . Engade que, aínda que a proposta non satisface plenamente ó seu grupo a intención é a de absterse na votación. Sinala que a moción presentada polo grupo popular esixía deixar unha partida aberta para depuradoras, aos efectos de solicitar subvencións para levalas a cabo e a nova proposta así o contempla, e o mesmo sucede coas obras a incluir no PDR, que son as demandadas na mesma. Di que as obras propostas son moi necesarias, e ademáis quere resaltar que o grupo popular non ten a postura de dicir a todo que non.

Toma a palabra o voceiro do BNG D. Óscar González Pardo quen comenza dicindo que tanto foi o cántaro á fonte que ao final rompeu. Destaca que os orzamentos son prácticamente os mesmos e non dan solución a problemas como os do alumeadoo público tratados no punto anterior. Non entende o medo a traballar cun ozamento prorrogado xa que polo que sabe o único que hai que facer e suprimir os capítulos VI e VII de gastos e habería que funcionar coa vía das transferencias de créditos entre partidas o que xa se fixo este ano. Sinala que ó seu grupo parécelle ben que os chamen para falar sobre os orzamentos pero gustaríalles que os convocara con máis tempo. Insiste en que o grupo de goberno continua coa mesma postura, pedindo que o BNG faga propostas, formando as necesidades etc.. e ten que ser o propio equipo de goberno o que leve a cabo o estudo das necesidades. Destaca que o orzamento ao abeiro da política levada a cabo nos últimos anos, céñtrase nas pistas e reconóece que aínda que é moi necesario que as pistas estean en un boo estado, hai outras cousas importantes, outras necesidades. Manifesta que o Alcalde parece estar obsesionado coa compra dun tractor, principalmente porque dí que todos os concellos límitrofes dispoñen dun, e ao respecto quere saber se se fixo un estudo ou memoria dos custos que vai supoñer o mesmo e se hai persoal para utilizarlo, posto que, aínda que se vain contratar dous peóns con cargo ó Fondo de Compensación Ambiental, seica os seleccionados do proceso nunca andiveran cun tractor.

En relación co tema da recollida de animais abandoados, para o que consigna 1000 euros, o voceiro do BNG manifesta que o Alcalde fai declaracións en prensa sinalando que dispón de lugares para a recollida temporal de animais pero que non son instalacións axeitadas . Respecto ó tema dos torneiros, dí que está ben recoller crédito para os mesmos, pero insiste en que o que hai que facer é buscar subvencións. O voceiro remata dicindo que o Alcalde non os chamou para nada, únicamente para apoiar ó grupo de goberno, goberno que puido ter un cambio e dí que agora conta co BNG porque o necesita para aprobar os orzamentos .

O Alcalde toma a palabra e sinala que o orzamento municipal non é moi diferente dos anteriores nalgunhas materias, xa que hai gastos correntes, de material etc.. que son os mesmos que tiña o

PP. O tema é que o crédito é o que é e hai que priorizar, hai moitas necesidades pero por exemplo no caso das pistas hai algunas que precisan arranxos máis que outras. Sinala que comunicou aos grupos da oposición o que quería fazer e tivo en consideración as propostas de ámbolos dous. Recoñece que aínda que existan discrepancias de criterio o que hai que ter é sentido común, e que a política debe ser de consenso para que funcione ben un concello e hai que mirar sempre polos veciños e respetalos. En contestación ó manifestado polo voceiro do BNG sinala que non é que teña fixación polas pistas, senón que trata de solventar necesidades. Respecto ó tractor sinala que o motivo para adquirilo non é que o teñan outros concellos veciños se non que considera que se aforran cartos, xa que todos os anos o Concello de Xermade gasta sobre 24.000 euros en desbrozar as pistas .

En relación coa recollida de animais abandoados, o Alcalde di que hai que acondicionar o local para mellorar as condicións dos animais que recolla o concello mentres non decida que facer, xa que a opción que deu a protectora Rescani é inviable pois pedían facer un convenio por 6.000 euros e a maiores unha contía por can, e non hai crédito suficiente .

En canto aos torneiros, está de acordo con pedir subvencións a todas as administracións públicas por ser un certame que da moito prestixio ao municipio.

Na segunda quenda de intervencións, o voceiro do PP, D. Tomás Rodríguez Arias, en relación co tractor pregunta se hai feito un estudo dos gastos que suporá, xa que cos 24.000 euros ós que fixo referencia desbrozábanse todas as pistas, asfaltadas e non asfaltadas. Engade que ademáis hai que ter en conta o gasto de personal, cisterna homologada, remolque , máis gasoil e outros gastos. Pensa que non é fixo o estudo e que o fai por ser unha promesa electoral pero que o que hai que valorar e se adoptando esta medida se van aforrar cartos.

En relación coas pistas, o voceiro do grupo popular declara que o tema das pistas, de que estean asfaltadas é moi importante para que a xente xoven non se vaia aínda que existan outras políticas importantes.

Toma a palabra a concelleira do BNG Dª María do Mar Hermida Pico, quen pregunta ó Alcalde polo número de reunións serias que mantivo co BNG, xa que únicamente foi unha, á dese martes, o resto de encontros non foron serios. A concelleira manifesta que en todos dixo o mesmo: que o BNG quería unha proposta por escrito das necesidades, e dí que o grupo de goberno nunca presentou nada por escrito. Destaca que o anexo VI de inversions remitido hoxe recolle o contido das mociones que o BNG presentou, polo que se aproveita do traballo da oposición. En relación coa programación cultural dí que neste caso se aproveita do traballo e as iniciativas das asociacións municipais e engade que aumenta a consignación dotando crédito para os torneiros pero por outra banda rebaixa o crédito para o certame de Xermade na Historia, e sinala que non sera o BNG quen defende ó PP pero destaca que dito certame foi algo que o grupo popular fixo ben .

D. Tomás Rodríguez Arias, por alusións quere aclarar que o PP non mirou as propostas do BNG que a moción do grupo popular sobre pistas únicamente considerou as más necesarias.

O Alcalde expón que lles remitiu toda a información dos orzamentos, e sinala en relación coas actividades culturais que o que fixo é manter as que hai e se existe a posibilidade de aumentar a programación cultural pois moito mellor .

Toma a palabra D. Óscar González Pardo dicindo que o BNG falaba das necesidades, o que quería coñecer e un estudo por escrito das mesmas e en relación co tractor pregunta se dispón dun estudo do mesmo e que se o ten o quere ver.

O Alcalde resposta que falou con algunas empresas do sector para coñecer os gastos aproximados pero que non dispón de balance algúun, nin análise coste beneficio. Destaca que dita adquisición tamén vai servir para labores de prevención de incendios forestais e recoñece que vai ter gastos pero que haberá que seleccionar un tractor e desbrozadora de calidade.

O voceiro do BNG considera necesario facer unha memoria en relación co tema do tractor e as pistas entre outras cousas, e quere engadir en relación coa programación cultural, que a cultura

e máis que organizar bailes, comidas, verbenas e as actividades das asociacións, xa que hai moitas familias que subsisten cobrando 400 euros e non poden ir as actividades culturais de pago .

Rematadas as intervencións, sométese a proposta a votación e o Concello Pleno, por catro votos a favor, dos concelleiros do grupo socialista , e seis abstencións dos concelleiros da oposición, dos grupos popular e nacionalista galego **ACORDA:**

PRIMEIRO.- Aprobar inicialmente o Orzamento Municipal do Concello para o exercicio de 2016 que se presenta nivelado no seu Estado de Gastos e de Ingresos, ascendendo en ambos estados á cantidad de **1.546.830,89 € (UN MILLÓN QUIÑENTOS CORENTA E SEIS MIL OITOCENTOS TRINTA EUROS CON OITENTA E NOVE CÉNTIMOS)** así coma toda a documentación e anexos a el incorporados, asignándose a cada un dos Capítulos as seguintes cantidades:

ORZAMENTO DE GASTOS 2016	ORZAMENTO DE INGRESOS 2016
<u>OPERACIÓN CORRENTES</u>	<u>INGRESOS CORRENTES</u>
CAPITULO 1 312.954,96	CAPITULO 1 448.000,00
CAPITULO 2 1.013.841,92	CAPITULO 2 10.000,00
CAPITULO 3 4.300,00	CAPITULO 3 191.900,00
CAPITULO 4 39.550,00	CAPITULO 4 813.510,73
-----	CAPITULO 5 1.100,00
Total Gastos Correntes: 1.370.646,88	Total Ingresos Correntes: 1.464.510,73
<u>OPERACIONES CAPITAL</u>	<u>INGRESOS DE CAPITAL</u>
CAPITULO 6 166.538.41	CAPITULO 6 -----
CAPITULO 7 -----	CAPITULO 7 82.320,16 €
CAPITULO 8 -----	CAPITULO 8 -----
CAPITULO 9 9.645,60 €	CAPITULO 9 -----
Total Gastos Capital: 176.184,01 €	Total Ingresos Capital: 82.320,16 €
TOTAL GASTOS: 1.546.830,89 €	TOTAL INGRESOS: 1.546.830,89 €

SEGUNDO.- Aprobar, igualmente, as bases para a execución do devandito orzamento municipal para o exercicio de 2016, tal e como son presentadas.

TERCEIRO.- De conformidade co prevido polo art. 169.1 do Texto Refundido da Lei reguladora das facendas locais aprobado por Real Decreto Lexislativo 2/2004 de 5 de marzo, expoñer ó público, polo prazo de quince días hábiles, o orzamento municipal para o exercicio de 2016 con tódolos documentos que o conforman, mediante a inserción do edicto correspondente no Boletín Oficial desta Provincia e no taboleiro de anuncios da casa do concello, co fin de que os interesados ós que fai referencia o art. 170.1 do TRLRFL, poidan examinalo e presentar, de se-lo caso, as reclamacións que procedan e polas causas taxadas que indica o art. 170.2 da mesma norma, ante o Pleno corporativo, que as resolverá xunto coa aprobación definitiva.

CUARTO.- O expediente completo de referencia considerarase definitivamente aprobado, sen necesidade de adopción de novo acordo, no caso de que non se presenten as reclamacións ás que se fai referencia no parágrafo 4º anterior, procedéndose, de seguido, á publicación do devandito orzamento resumido por capítulos nos anteditos BOP e taboleiro de anuncios, xunto co cadro de persoal e relación dos postos de traballo, tal e como indican os artigos 127 do RDL 781/1986, do 18 de abril, 169.2 do TRLRFL 2/2004, e demais disposicións concordantes aplicables.

QUINTO.- No caso de se presentar reclamacións no prazo indicado no parágrafo 4º do presente deberán ser resoltas, cos informes oportunos previos, polo Pleno Corporativo, resolvendo no mesmo acordo a aprobación definitiva que deixará expedita a vía contencioso-administrativa, procedéndose, trala indicada aprobación, á publicación na forma indicada no parágrafo 5º anterior, tal e como indican os referidos artigos, así como segundo o disposto polo art. 171 do TRLRFL 2/2004, do 5 de marzo.

SEXTO .- Unha vez completo o expediente, enviaranse as copias correspondentes á Administración do Estado e á da Comunidade Autónoma, reservando unha terceira para enviar, no seu día, ó Consello de Contas de Galicia.

5.- MOCIÓN.

Procéde ó estudo das mocións por orde de rexistro de entrada.

5.1. ÓSCAR GONZÁLEZ PARDO E MARÍA DO MAR HERMIDA PICO en calidade de Concelleiros do **BLOQUE NACIONALISTA GALEGO**, en base á lexislación vixente presentan a seguinte

MOCIÓN para solucionar os problemas de inundacións e de seguridade na rotonda de Cabreiros

Exposición de motivos.-

Xa en anteriores lexislaturas representantes deste grupo político fixeron suestións e propostas sobre o impacto que poderían supoñer as obras da autovía ao seu paso polo concello e en especial na zona da rotonda de Cabreiros.

Tal como se dicía no seu día, as modificacións e anulacións das canles dos regatos, sobre todo no tramo novo da estrada LU-170 dende a rotonda ata o campo de fútbol de Cabreiros, a supresión das taxeas

existentes e o deficiente paso deixado para a auga, lévanos ao embalsamento que se sofre cando chove de maneira intensa, chegando a inundar o barrio do Empalme, cousa que antes das citadas obras da autovía non sucedía.

Tamén comprobamos que a pesar de ser a confluencia de diferentes estradas autonómicas, non se habilitou un espazo para poder cruzar os peóns, dándose a circunstancia agravante que ademais divide e separa un barrio do resto da parroquia.

Así mesmo obsérvase que estando feita a instalación de alumeados, non coñecemos as razóns polas que nunca funcionou. Isto tamén foi denunciado polo BNG noutras ocasións, sen que teñamos coñecemento das actuacións que se levaron a cabo para paliar esta deficiencia. Debemos sinalar que xa houbo varios accidentes no acceso á rotonda, polo que ao non existir un paso axeitado para os peóns sumado á falta de alumeados, incrementa o risco para os mesmos.

Por todo isto, o grupo municipal do BNG solicita do Pleno da Corporación Municipal a adopción do seguintes

ACORDOS

- Dirixirse á Consellería de Medio Ambiente, Territorio e Infraestruturas, como titular da dita instalación para que:
 - 1º.- Acometan as obras necesarias na zona de rotonda de Cabreiros para solucionar definitivamente os problemas de inundacións.
 - 2º - Do mesmo xeito que procedan á posta en funcionamento do alumeados da dita rotonda, e ao mesmo tempo se dote dunha zona de circulación para os peóns.
- Que dende o Concello se acometan inmediatamente as medidas oportunas para poñer en funcionamento, en caso de que non o faga a Consellería, o alumeados da rotonda, pasándolle os gastos orixinados e avisándoa de que como propietaria da dita instalación, será a responsable das incidencias que nela sucedan por non terlle efectuado o mantemento necesario.

Xermade, 16 de Xaneiro de 2016

O Alcalde dí que hoxe mesmo estivo en Lugo nunha xuntanza cun técnico e dí que están mirando o tema. Informe de que tamén lles propuxo o alumeados, pero a Consellería de Medio Ambiente non está obligada a assumir dito gasto, polo que ten que ser o concello o que asuma o gasto. En relación co paso para o cruce de peóns, informe de que pola rotonda non é posible cruzar, polo que a posibilidade de habilitar un espazo para cruce dos peóns únicamente sería posible por un paso subterráneo dirección á Touza.

O voceiro do PP manifesta non estar de acordo con que a obra coa que sacaron as comportas non fora unha axuda para mellorar o tema das inundacións.

O voceiro do BNG fai referencia ó péssimo estado do paso, cunha capa de lama moi grande.

Sometida a votación, a moción **resulta aprobada por unanimidade** dos concelleiros presentes.

5.2 D. TOMAS RODRIGUEZ ARIAS, VOCEIRO DO GRUPO POPULAR DE XERMADE AO ABEIRO DA LEXISLACION VIXENTE PRESENTA PARA O SEU DEBATE E APROBACION SE PROcede NO VINDEIRO PLENO A SEGUINTE:

MOCION

En marzo do 2010 foi elaborado un Plan de Ordenación de Recursos Humanos por parte de este concello, posteriormente conformado pola Corporación, logo de ser sometido á consideración e aprobación da Mesa Xeral de Negociación, no que se contemplaba entre outros aspectos un calendario para levar adiante a análise, descripción e valoración de postos de traballo para elaborar e aprobar a correspondente relación de postos de traballo (RPT) entre os meses de febreiro e novembro do ano 2011, calendario que se paralizou por falta de persoal en secretaría.

A dia de hoxe este proceso sigue paralizado co conseguinte prexuízo para os funcionarios, dado que non están equiparados á súa titulación.

Por este motivo, o Grupo Municipal do Partido Popular solicita do pleno da Corporación o seguinte .

ACORDO

“Solicitar á Deputación Provincial de Lugo a que no marco de actuacións de asistencia e cooperación cos concellos, poña en marcha un calendario a efectos de elaborar a correspondente relación de postos de traballo (RPT) no concello de Xermade.”

En Xermade, a 25 de xaneiro de 2016

O voceiro do grupo popular procede a dar lectura á moción e manifesta que o que pide e dar continuidade ó proxecto iniciado fai seis anos.

A concelleira do BNG Dª María do Mar Hermida Pico, di que o seu grupo vai apoiar a moción , pero di que a ausencia de persoal na secretaría non é así xa que o concello nunca estivo sen secretario dado que había un secretario acumulado durante a baixa da titular .

O Alcalde di que preguntou polo tema ó departamento de recursos humáns da Deputación , que informou que os trámites están iniciados é únicamente haberá que retomar o tema e manifesta que o grupo socialista está de acordo co tema, xa que a RPT é de moita utilidade para a valoración correcta dos postos segundo as funcións levadas a cabo por cada persoa.

D. Tomás Rodríguez Arias , en relación ó comentario da concelleira Dª María do Mar Hermida, resposta que efectivamente houbo un secretario acumulado, pero para levar a cabo tarefas básicas e axudar co esencial e a elaboración da RPT esixía moita dedicación, acudir a xuntanzas na Deputación etc... e o secretario non se podía comprometer a eso.

Sometida a votación , a moción **resulta aprobada por unanimidade** dos concelleiros presentes.

5.3 .ÓSCAR GONZÁLEZ PARDO E MARÍA DO MAR HERMIDA PICO en calidade de Concelleiros do **BLOQUE NACIONALISTA GALEGO**, en base á lexislación vixente presentan a seguinte

MOCIÓN para solucionar os problemas de comunicación da veciñanza de Xermade.

Exposición de motivos.-

As estradas provinciales están a sufrir un abandono xeneralizado que co paso dos anos se vai notando nun deterioro, tanto de firme como de limpeza de cunetas que fai que, cando chove, vaia máis auga polo firme que polas cunetas e case as fai impracticables. Este é o caso da LU-P 2213, que vai dende o barrio do Pedreiro (cruce con avenida das Pontes e

avenida de Vilalba) e pasa polos barrios de Cavadas e Xemaré, ata a súa intersección con LU-P 2201 (Candamil – Xermade).

Por todo isto, o grupo municipal do BNG solicita do pleno da corporación municipal a adopción do seguinte

A C O R D O

Solicitar da Área de Infraestruturas da Deputación Provincial de Lugo que:

- Acometa inmediatamente as obras de rexeneración do firme e a limpeza das cunetas na dita estrada, co fin de deixala en perfecto estado de circulacion.

Xermade, 28 de xaneiro de 2016

O concelleiro do grupo popular D. Antonio Riveira Requeijo, di que o seu grupo está de acordo, matizando que cada administración pública, autonómica ou municipal , debe arranxar as vías da súa competencia .

Sometida a votación , a moción **resulta aprobada por unanimidade** dos concelleiros presentes.

5.4. **ÓSCAR GONZÁLEZ PARDO e MARÍA DO MAR HERMIDA PICO**, en calidade de Concelleiros do **BLOQUE NACIONALISTA GALEGO** formúlanlle a Vde., para que sexa atendido no vindeiro Pleno da Corporación Municipal, a seguinte

MOCIÓN

Exposición de motivos:

Hai unha vivenda habitada no lugar das Covas en Burgás, situada a máis de medio quilómetro da pista asfaltada más próxima, á que se accede por un camiño de zahorra e terra cun firme moi deficiente e ao que é imposible chegar nun coche, especialmente en épocas de choiva, nas que incluso resulta difícil chegar camiñando pola cantidade de lama que se forma nalgúnsas zonas.

Por todo isto, o grupo municipal do BNG formula a seguinte **moción**:

- **Que o concello, con cargo aos orzamentos de 2016, asfalte a citada vía e leve a cabo as canalizacións de auga oportunas para evitar o deterioro prematuro.**

En Xermade, a 30 de xaneiro de 2016.

O Alcalde toma a palabra e da a razón ó BNG, quere puntualizar que hai intención de arranxala, pero o tema de asfaltala é diferente, e tamén difícil, ademáis varios veciños da zona non deixan ensanchar a estrada.

O voceiro do BNG acepta ó matiz, xa que era a arranxar ou reparar ao que quería decir,

Sometida a votación, a moción **resulta aprobada por unanimidade** dos concelleiros presentes.

5.5. ÓSCAR GONZÁLEZ PARDO E MARÍA DO MAR HERMIDA PICO en calidad de Concelleiros do **BLOQUE NACIONALISTA GALEGO**, en base á lexislación vixente presentan a seguinte

MOCIÓN para asfaltar a pista do Uzal en Lousada.

Exposición de motivos.-

Hai dúas vivendas no barrio do Uzal en Lousada nas que habitan sete persoas que están separadas uns 600 metros da Lu-P-6509, a estrada asfaltada máis próxima a elas. O firme da pista que comunica estas vivendas coa Lu-P-6509 é de zahorra con numerosas fochancas que dificultan o tránsito.

A esta situación hai que sumarlle que no vindeiro curso escolar un dos nenos que habita nesas casas comenzará os estudos de infantil no CEIP de Xermade e que será necesario solicitar a parada do transporte escolar.

Por todo isto, o grupo municipal do BNG solicita do pleno da corporación municipal a adopción do seguinte

A C O R D O

- Que o concello, con cargo aos orzamentos de 2016, asfalte a citada vía e leve a cabo as canalizacións de auga oportunas para evitar un estrago prematuro causado pola auga que baixa do monte.
- Que o concello facilite por ESCRITO á familia afectada o compromiso de asfaltar a pista antes do comezo do curso escolar para evitar que esta situación afecte negativamente á solicitude de parada do transporte escolar.

Xermade, 28 de xaneiro de 2016.

O voceiro do PP manifesta que o seu grupo está de acordo coa moción, de feito a pista de Uzal estaba incluída na moción do grupo popular.

O Alcalde di que nesta moción coinciden todos, e que o bus terá que ir, cousa que sen arranxar a pista non será posible.

O concelleiro do grupo popular, D. Antonio Riveira Requeijo dí que no concello hai un proxecto feito deste tema.

Sometida a votación, a moción **resulta aprobada por unanimidade** dos concelleiros presentes.

5.6. ÓSCAR GONZÁLEZ PARDO E MARÍA DO MAR HERMIDA PICO en calidad de Concelleiros do **BLOQUE NACIONALISTA GALEGO**, en base á lexislación vixente

presentan a seguinte

MOCIÓN para solucionar o problema das inundacións no barrio do Mingolo (Roupar).

Exposición de motivos.-

Ano tras ano cando chove intensamente, na vía provincial LU-P-2002 que une as estradas LU-861 coa LU-541 (dende Os Bestelleiros ata A Casanova na parroquia de Roupar) prodúcense inundacións á altura do barrio do Mingolo ao longo duns 200 m. de vía, con risco para a circulación de vehículos e de asolagamento para as vivendas situadas preto da estrada como pasou coas intensas choivas do pasado mes de xaneiro.

Trátase dun problema que o Grupo Municipal do BNG tratou en varios Plenos da Corporación Municipal presentando ROGOS xa no ano 2003 solicitando que a Deputación Provincial puxera fin ao problema das inundacións na citada vía.

Mesmo no ano 2006 se levou a cabo unha modificación de crédito na que se transferían 15.000 € da partida “Transferencias correntes a institucións e familias sen ánimo de lucro” ás partidas de “Reparación, mantenemento e conservación de camiños” e “Inversión nova en Infraestruturas”, indicando que entre outras xustificaciós debíase aos gastos de pistas que se abriran e á canalización das augas que se levara a cabo para rematar cos problemas de inundacións no Mingolo.

Actualmente, dez anos despois, cando chove intensamente, o problema persiste e agrávase xa que a auga chegou a anegar varias vivendas.

Por todo isto, o grupo municipal do BNG solicita do pleno da corporación municipal a adopción do seguinte

A C O R D O

- 1.- Solicitar da Área de Infraestructuras da Deputación Provincial de Lugo que acometa inmediatamente as obras necesarias na zona para solucionar dunha vez o problema das inundacións na citada estrada á altura do barrio do Mingolo.
- 2.- Que o concello inicie inmediatamente as obras necesarias para manter as marxes das pistas municipais que dan acceso ás vivendas limpas e coa anchura e a profundidade suficiente que permitan fluír a auga con máis facilidade.
- 3.- Que se comprobe se o diámetro das tubaxes que permiten o paso da auga entre unha marxe e outra dos camiños é o axeitado e que non está obstruído. En caso necesario, que se substitúan ou se limpen para que a veciñanza do barrio non sufra medo das inundacións cada vez que chova.

Xermade, 28 de xaneiro de 2016.

Toma a palabra D. Tomás Rodrígues Arias, quen manifesta que este é un caso parecido ó que sucede no Empalme, sendo un problema que non deixen tocar ás cunetas e ó regato, xa que limpando o regato poderíase solucionar algo o problema.

O Alcalde sinala que foi ó lugar un dos días que houba tanta choiva e que pidiu unha máquina á Deputación ; foi unha emerxencia xa que chegaba a auga as vivendas . Informa de que hai un problema engadido que é que a traída municipal está moi cerca da superficie, e declara estar de acordo co manifestado polo voceiro popular respecto á limpeza dos regatos. Comunica que vai

mirar de reducir o problema porque eliminalo totalmente vai ser moi complicado, pero que mandará un escrito coa problemática a Augas de Galicia.

Sometida a votación, a moción **resulta aprobada por unanimidade** dos concelleiros presentes.

5.7. **ÓSCAR GONZÁLEZ PARDO E MARÍA DO MAR HERMIDA PICO** en calidad de Concelleiros do **BLOQUE NACIONALISTA GALEGO**, en base á lexislación vixente presentan a seguinte

MOCIÓN para solucionar os problemas de comunicación da veciñanza de Xermade.

Exposición de motivos.-

As estradas municipais están a sufrir un abandono xeneralizado que co paso dos anos se vai notando nun deterioro, tanto de firme como de limpeza de cunetas que fai que, cando chove, vaia más auga polo firme que polas cunetas e case as fai impracticables. Este é o caso da estrada que saíndo da LU-P 2205 (Pedreiro- As Pontes) comunica os barrios da Pena, Vesura, Amosa e Leboré e remata na estrada Autonómica LU-170.

Por todo isto, o grupo municipal do BNG solicita do pleno da corporación municipal a adopción do seguinte

A C O R D O

Que se acometan inmediatamente, con cargo aos orzamentos do ano 2016, as obras de rexeneración do firme e a limpeza das cunetas na dita estrada co fin de deixala en perfecto estado de circulacion.

Xermade, 30 de xaneiro de 2016.

D. Tomás Rodríguez Arias manifesta que o grupo popular está de acordo e o Alcalde di que grupo de goberno tamén, sendo unhas das contempladas no PDR.

Sometida a votación, a moción **resulta aprobada por unanimidade** dos concelleiros presentes.

5.8. **ÓSCAR GONZÁLEZ PARDO E MARÍA DO MAR HERMIDA PICO** en calidad de Concelleiros do **BLOQUE NACIONALISTA GALEGO**, en base á lexislación vixente presentan a seguinte

MOCIÓN para solucionar o problema das inundacións debido á obstrución de cunetas e tubaxes

Exposición de motivos.-

Ano tras ano cando chove intensamente, son moitas as pistas do concello que sufren

problemas de asolagamento. Supoñendo risco para os condutores, en ocasións risco de asolagamento para as vivendas situadas preto das estradas e deterioro das mesmas ó atoparse somerxidas e producirse un abrandamento do terreo excesivo. Todo isto ocorreu coas intensas choivas do pasado mes de xaneiro.

Concretamente no Barrio de Mede (Cazás) produciuse o asolagamento dunha vivenda debido á falta de limpeza das cunetas nas marxes dunha estrada municipal onde existía inclinación suficiente no terreo e non debería haberse producido o problema de estaren as cunetas limpas e permitiren estas a evacuación axeitada da auga.

Por todo isto, o grupo municipal do BNG solicita do pleno da corporación municipal a adopción do seguinte

A C O R D O

- Que o concello, con cargo aos orzamentos de 2016, asfalte a citada vía e leve a cabo as canalizacións de auga oportunas para evitar o deterioro prematuro.
- Que se comprobe que o diámetro das tubaxes permiten o paso da auga entre unha marxe e a outra é o axeitado e que non está obstruído. En caso necesario, que se substitúen ou se limpen para que a veciñanza non sufra medo ás inundacións cada vez que chova.

Xermade, 28 de setembro de 2016.

O Alcalde sinala que tamén foi ao lugar e verificou que as cunetas estaban moi obstruídas. Facilitou aos veciños unhos tubos e mandou unha retroexcavadora, polo que en parte o problema está solucionado.

Sometida a votación, a moción **resulta aprobada por unanimidade** dos concelleiros presentes.

5.9. D. Óscar González Pardo e D^a María do Mar Hermida Pico, Concelleiros do **GRUPO POLÍTICO MUNICIPAL DO BLOQUE NACIONALISTA GALEGO (B.N.G.)**, en base á legislación vixente presentan a seguinte

MOCIÓN relativa á sinalización de prazas de aparcamento para persoas con discapacidade.

Exposición de motivos:

O Real decreto 1056/2014, do 12 de decembro, polo que se regulan as condicións básicas de emisión e uso da tarxeta de estacionamento para persoas con discapacidade, contempla no seu artigo 5 que “os principais centros de actividade dos núcleos deberán dispor dun mínimo dunha praza de aparcamento reservada e deseñada para o seu uso por persoas titulares da tarxeta de estacionamento”. Estas prazas deberán cumplir as condicións regulamentariamente previstas pola DXT que en canto a dimensións son as seguintes: 5,00 m de longo e 3,60 m de ancho.

Por todo o exposto, o BNG somete á consideración do Pleno a adopción do seguinte

A C O R D O

- Que o Concello de Xermade sinalice horizontal e verticalmente prazas de aparcamento reservadas para persoas con discapacidade que estean en posesión da tarxeta de estacionamento nos seguintes lugares do termo municipal:
 - Diante da Casa Consistorial
 - Diante do edificio da antiga Cámara Agraria
 - Diante da Biblioteca Municipal
 - Diante da Farmacia
 - Diante do Centro de Saúde
 - Diante do Pavillón Polideportivo
 - Diante da nave Municipal no Polígono Industrial
 - Diante das oficinas bancarias
 - Diante dos locais sociais das distintas parroquias

En Xermade, a 4 de febreiro de 2016

O voceiro do PP declarase esceptico nesta cuestión, xa que aquí non hai núcleos fortes, nos que sexa difícil aparcar e ademáis hai sitios nos que non se pode pintar.

Toma a palabra o concelleiro do grupo socialista D. Carlos Alberto Guerra González, quen informa que recentemente pintouse unha praza, no Centro de Saúde, da que áinda falta a sinalización vertical, pero que ata agora non había ningunha. Considera excesivas todas as prazas propostas , ao abeiro do número de tarxetas rexistradas, que na actualidade ascenden a doce . Remata dicindo que o equipo de goberno estaría de acordo coa moción pero cun número inferior de prazas.

A concelleira do Maríao Mar Hermida dí que seu grupo pide un máximo, pero que poden aceptar que se sinalice algunha menos.

Polo tanto acordan que as que se sinalicen as seguintes: **diante do Pavillón Polideportivo e diante da farmacia, para dar servizo á farmacia e concello.**

5.10. D. TOMAS RODRIGUEZ ARIAS, VOCEIRO DO GRUPO POPULAR DE XERMADE AO ABEIRO DA LEXISLACION VIXENTE PRESENTA PARA O SEU DEBATE E APROBACION SE PROcede NO VINDEIRO PLENO A SEGUINTE:

MOCIÓN

O Pleno do concello de Xermade, na sesión do día 9 de xullo de 2015, aprobou a creación da XUNTA DE GOBERNO LOCAL, establecendo unha periodicidade e delegando diversas competencias plenarias ao obxecto de acadar un mellor funcionamento.

O 13 de xuño do 2015 tomou posesión do cargo de Alcalde D. Roberto García Pernas, pertencente ao Grupo Socialista de Xermade, transcorrendo ata o día de hoxe un total de 7 meses, período mais que suficiente de adaptación, durante os cales consta unha clara inactividade e pasividade por parte do goberno en relación á Xunta de Goberno Local, a cal foi creada coa finalidade de axilizar a toma decisións e lograr unha mellora no funcionamento deste concello.

Por todo o anterior, o Grupo Municipal do Partido Popular solicita do Pleno da corporación o seguinte:

ACORDO

“O restablecemento ao Pleno da Corporación de todas as competencias que se delegaron á Xunta de Goberno Local no pleno de 9 de xullo de 2015 e a posterior disolución da mesma.”

En Xermade, a 27 de xaneiro do 2016.

O voceiro do PP dí que presenta esta moción tras dar un prazo de cortesía e lembra que nos oito meses que leva no goberno convocou únicamente catro sesións, considera que son poucas.

Pola parte do BNG lémbrase que no Pleno extraordinario de organización votaron en contra da creación da mesma, igual que fixeron na lexislatura anterior e dí que o PSOE na devandita sesión de 2011 se abstivo e na correspondente ó 2007 votou en contra da creación de dito órgano colexiado, por non incluir a ningún membro da oposición na mesma.

O Alcalde dí que quiere que os demais grupos políticos participen e manifesta non estar de acordo coa supresión da mesma. Informa de que non houbo moitas sesións nesta época ao non haber moitos asuntos que tratar.

A concelleira do BNG di que as Xunta de Goberno Local, por lei debe celebrar sesión ordinaria cada quince días, polo que non cumpliu a lei e o Alcalde resposta que non habendo asuntos para convocala pareceulle mellor aforrar os cartos das asistencias.

Sometida a votación, a mesma resulta aprobada polos votos a favor dos catro concelleiros do PP, os dous do BNG, e catro votos en contra do grupo socialista municipal.

5.11.ÓSCAR GONZÁLEZ PARDO E MARÍA DO MAR HERMIDA PICO en calidade de Concelleiros do **BLOQUE NACIONALISTA GALEGO**, en base á lexislación vixente presentan a seguinte

MOCIÓN sobre o emprego de herbicidas con glifosato en Xermade.

Exposición de motivos.-

O uso do glifosato como herbicida para o mantemento de zonas verdes, cunetas ou mesmo de cara á prevención de incendios forestais está bastante estendido, ainda que o seu uso poda ter riscos moi serios, non só para o medio senón tamén para as persoas ao tratarse dun herbicida total, non selectivo que se infiltra no solo e que é moi soluble na auga e persistente no solo, como demostran os numerosos estudos existentes. O glifosato contamina os acuíferos, é tóxico para a fauna acuática, os animais domésticos ou o gando, e esparéxese sen control polo subsolo, resultando nun impacto importante en sectores produtivos como a apicultura, a agricultura e a destrución do emprego e da actividade económica local.

Existen estudos científicos que relacionan o uso do glifosato con afeccións e enfermidades como toxicidade subaguda e crónica, danos xenéticos, trastornos reprodutivos e carcinoses. Ademais, cada preparado herbicida que contén glifosato vén acompañado doutras sustancias que facilitan a súa absorción e que multiplican a súa toxicidade.

Recentemente a Axencia Internacional para a Investigación do Cancro (IARC polas súas siglas en inglés) pertencente á Organización Mundial da Saúde incluiu como probables carcinóxenos a unha serie de pesticidas organofosfatados, entre eles o glifosato.

Así, atopámonos co feito de que a aplicación dun herbicida como o glifosato en espazos públicos constitúe un risco ao que se somete á poboación, aos traballadores municipais que o empegan, ao gando, á flora e fauna ou ao chan e ás augas, dada a súa toxicidade.

A Directiva marco para un uso sostible dos praguicidas, aprobada polo Parlamento Europeo o 13 de xaneiro de 2009, no seu Capítulo IV, artigos 11 e 12, expón que: "Os Estados membros, tendo debidamente en conta as medidas apropiadas para a protección do medio acuático, a auga potable e os requisitos necesarios de hixiene e saúde pública e a biodiversidade, ou os resultados das avaliaciós de risco pertinentes, velarán porque se

minimice ou prohiba o uso de praguicidas nas seguintes zonas específicas: ao longo das estradas [...], nos espazos utilizados polo público en xeral, ou por grupos vulnerables, como os parques, xardíns públicos, campos de deportes e áreas de recreo, recintos escolares e campos de xogo e os espazos próximos aos centros de asistencia sanitaria”.

A devandita directiva foi trasposta no Real Decreto 1311/2012, que establece o marco de actuación para conseguir un uso sostible dos produtos fitosanitarios, e que ten como obxectivo a redución dos riscos e os efectos do uso dos produtos fitosanitarios na saúde humana e o medio, e o fomento da xestión integrada de pragas e de formulacións ou técnicas alternativas, tales como os métodos non químicos.

Este Real Decreto contempla que as súas disposicións “se entenderán sen prexuízo de que a Administración competente en cada caso poida aplicar o principio de cautela limitando ou prohibindo o uso de produtos fitosanitarios en zonas ou circunstancias específicas”.

Xa son moitos os gobernos e autoridades que están a limitar ou abandoar o seu uso. Actualmente en Francia estúdase mesmo a posibilidade de prohibir a súa venda.

Diversas deputacións e municipios da Galiza (Ames, Ponteareas, Marín, Arzúa ou Compostela) e do estado español tamén están a limitar ou erradicar o uso de herbicidas e de glifosato debido aos impactos ambientais e sobre a saúde dos seres vivos.

Dende o BNG sempre pensamos e defendemos que os Concellos, como administracións públicas de servizos á comunidade, deben liderar proxectos e accións encamiñadas a promover ámbitos de seguridade no marco da saúde pública. Por todo isto, o grupo municipal do BNG solicita do pleno da corporación municipal a adopción do seguinte

ACORDO

- 1- Prohibir o emprego de herbicidas con glifosato en todo tipo de lugares públicos do Concello en base á Directiva Marco para un uso sostible dos praguicidas e o RD 1311/2012 polo que se establece o marco de actuación para acadar o uso sostible dos produtos fitosanitarios.
- 2- Substituír o uso dos produtos praguicidas por métodos mecánicos e/ou biolóxicos non contaminantes para a saúde nin para o medio.
- 3- Nos casos concretos de conflito, o Concello solicitará por escrito ás entidades implicadas na aplicación de herbicidas que en virtude do Real Decreto 1311/2012 empreguen métodos de control alternativos, non químicos.
- 4- Sollicitar á Consellería de Medio Ambiente e Ordenación do Territorio, e ao Ministerio de Fomento o abandono inmediato do uso de herbicidas derivados do glifosato no tratamento das cunetas da rede viaria que pase polo Termo Municipal, para que a protección da saúde das persoas e o medio no seu municipio sexa realmente efectiva.
- 5- Informar deste acordo a todos os colectivos sociais e veciñais do Concello así como na problemática derivada do uso e abuso destes produtos para evitar tamén o seu uso doméstico.

Xermade, 28 de xaneiro de 2016.

O voceiro do PP manifesta que o seu grupo está de acordo co contido da moción. O Alcalde entende que o uso dese tipo de herbicidas con glifosato é perjudicial para o medio ambiente e di que está de acordo parcialmente coa mesma, xa que prohibir o uso en xeral non é posible, únicamente podería prohibilo en zonas públicas. O voceiro do BNG di que era ó que se refería, a lugares públicos , como recolle o primeiro punto da moción

Sometida a votación, a mesma resulta aprobada por seis votos a favor, cos dous concelleiros do BNG e os catro do PP, coa abstención dos catro concelleiros do grupo de goberno socialista.

6- ROGOS E PREGUNTAS.

O grupo municipal popular formula o seguinte ROGO:

Don Tomás Rodríguez Arias, voceiro do **grupo municipal do Partido Popular de Xermade**, ao abeiro da lexislación vixente presenta para ser atendido no vindeiro pleno o seguinte rogo

EXPOSICIÓN DE MOTIVOS

Preséntase en relación ás manifestacións feitas polo Alcalde do concello de Xermade na prensa, en resposta a unha noticia aparecida en días anteriores pola visita dunha asociación alemana á protectora de animais abandonados instalada no termo municipal de Xermade, no que fai declaración que non se axustan á verdade e nun exercicio de cinismo acusa ó anterior goberno de non deixar unha partida destinada para a firma do convenio coa protectora. Sabe que o anterior goberno conqueriu a instalación da protectora dentro do concello facilitándolle unha vivenda en aluguer e xestionándolle a compra de terreos axeitados para a actividade. Non era o momento da firma de convenio cando non estaba recollendo animais e as instalación estaban en construcción. É precisamente o actual goberno, personificado no alcalde, o que non prevé unha partida para o convenio cando sería o momento de facelo. Non ten interese en facelo, o cal é unha posición lexítima, pero non pode desculparse no anterior goberno.

O alcalde de Xermade está creando un problema a partir de unha solución que lle veu dada. Cando non había medios a nivel local e a protectora provincial estaba saturada e cobrando unha suma elevada, pola necesaria xestión que tén que realizar, aparece unha asociación que facilita a xestión, faino mais barato e acerca traballo, xente e benestar animal ó Concello de Xermade, e resulta que non lle interesa colaborar e o pouco que fai é presionado polas circunstancias. Crea un problema cando se lle da unha solución. Sabe que varios concellos xa firmaron o convenio para iniciar a recollida. Él que siga co seu plantexamento, pero que asuma non cumplir a legalidade.

Débenos aclarar as actuacións levadas a cabo desde que se sentou na alcaldía en relación á obriga legal que ten de recoller os animais abandonados e dárslles saída. Non esquenza a súa responsabilidade. Porque agora ten unha solución e o alcalde busca un problema. Porque se empeña en bordear e incumplir a lexislación.

¿Realmente solo houbo tres cans abandonados no seu mandato? Falta á verdade, porque numerosos veciños teñen chamado e demandado a recollida de animais abandonados. Chegados a este punto, e dado o súa irresponsabilidade, débenos aclarar donde foron entregados eses cans, o destino posterior dos mesmos, o coste por cada un, e o tipo de compromiso adquirido coa suposta protectora e o cumprimento por ambas partes da lexislación vixente.

Queremos que nos explique se fixo algunha xestión para que sexan adoptados, como dí, despois de 21 días nas dependencias municipais.

Sobre as condicións do convenio que lle ofertou a protectora que ten as instalación en Xermade, e dada a súa incontinencia verbal, debe aclararnos as cifras que da publicamente. Son eses 6.000 euros unha cantidade fixa e os 200 euros a maiores por cada animal recollido?. Debe amosarnos esa proposta escrita, porque do contrario cremos que minte, tendo en conta ademais os convenios asinados por outros Concellos, como Guitiriz ou Mondoñedo.

Minte cando dí que ten instalacións para recoller os animais abandonados. Volve a amosar cinismo sabendo como sabemos que non hai instalacións municipais para a recollida e tratamiento de animais. ¿Ou acaso cre o alcalde que o recinto de unha torreta de telecomunicacións é axeitada para tratar a recollida de animais? Podía ser unha solución momentánea cando non había outra alternativa mellor, pero non pode decir que tén dependencias para acoller os cans abandonados.

Cinismo volve a destilar cando dí que non son os cans o prioritario senón as necesidades dos veciños. Como se estuvera discutido unha cousa coa outra. Como si para defender as necesidades dos veciños

Por todo o anterior o grupo do partido popular de Xermade insta ó alcalde a ateder o presente

ROGO

- Que facilite copia da documentación á que se fai referencia, relativa as actuacións realizadas para a recollida de animais en Xermade.
- Que non falte á verdade nas declaración públicas que realice o Sr Alcalde.

En Xermade a 7 de febrero de 2.016

O Alcalde quere deixar claro e que quede constancia que él non minte. Lembra que a protectora Rescan fixo fai varios meses unha proposta verbal de facer un convenio por un importe de seis mil euros e unha contía adicional por cada can recollido, cun límite de vinte animais. De novo informa das actuacións levadas a cabo este verán cos cans abandonados e que o concello se fixo cargo dos tres, aínda que as dependencias nas que estiveron non foran as mellores, pero foron atendidos durante o prazo dos vinteún días dende a recollida, e que despois foron levados á asociación Cometa, de Narón, que facturou 600 euros , 200 por cada can.

A concelleira D^a Isabel Campello Ares pregunta se únicamente houbo tres cans abandonados. O Alcalde responde que sí , que outro morreu e que chamou ó SEPRONA para acoller os que non poideron.

A continuación a concelleira do grupo popular pregunta se ten a intención de facer un convenio con algunha protectora para facerse cargo dos animais abandonados .

O Alcalde dí hoxe mesmo falou co xefe de sección do organismo competente e que as opcións que ten o concello son: ou facer un convenio con alguén para que se faga cargo dos animais abandoados, ou habilitar unha instalación municipal para facerse cargo dos animais abandoados durantes os días obligatorios. Insiste en que esas condicións que lles propuxeron son inviables, ao que a concelleira resposto que o grupo popular non quere dicir que se faga o convenio con dita asociación.

O Alcalde remata dicindo que non minte.

O BNG formula os seguintes rogos:

1.- A colocación dun Cartel co horario de atención ó público , como xa pidiu na sesión anterior. O Alcalde dí que xa falou coa auxiliar administrativa para que o poña .

PREGUNTAS.-

Por parte do grupo nacionalista galego formúlanse as seguintes preguntas non presentadas por rexistro :

- En relación cos desplazamentos presentados polo tenente alcalde e concelleiro do grupo socialista, D. José Prieto Barro, quere saber a qué foi o día 6 de novembro a Vilalba?

O concelleiro dí que sen consultar non o sabe, pero en todo caso iría por orde do Alcalde a facer algunha xestión o a buscar algún material.

A concelleira lémbra que o propio Alcalde é o encargado das obras e polo tanto non é competencia do concelleiro de asuntos sociais, xa que estarían cobrando pola mesma función e polo tanto prevaricando. Dí que segundo o kilometraxe presentado polo Alcalde,

fai 150 kilómetros semanais e pregunta cuntos kilómetros hai a Vilalba, xa que dunha data a outra a cifra é diferente. Pídelle que cumpran coa obriga de xustificación, xa que o Pleno, na sesión de organización celebrada o 9 de xullo de 2015, acordou as indemnizacións e gastos de locomoción a percibir, a percibir cando sexan efectivos previa xustificación, remitindo ó RD 462/2002, de 24 de maio, para o importe a percibir. Informa que Segundo o artigo 21 de dito texto legal esixe que as indemnizacións referidas no apartado anterior se reclamen das caixas pagadoras achegándose en todo caso a correspondente documentación xustificativa.

O Alcalde responde que o kilometraxe pode variar segundo a ruta que faga e o que vaia a visitar; e Dª María do Mar Hermida dí que os concelleiros que pasen gastos de kilometraxe deben xustificalos correctamente como o tamén o fan os funcionarios do concello, que detallan o día e o que fan por cada gasto de desprazamento que presentan.

O Alcalde manifesta que no sucesivo serán más concretos.

O concelleiro D. José Prieto Barro por alusións, di que vai todos os xoves e venres ó concello e non pasou ningunha dieta e que as veces que vai a algúns sitios é en casos de que non localicen ó Alcalde, e que non entende a que ven esto, xa que por seis meses pasou vinte euros de desprazamentos.

A concelleira do BNG di que non se trata de diñeiro, senón do feito de que se é o Alcalde o encargado das obras ten que ser o que realice as xestións do cargo e se quere delegar noutro concelleiro que o faga legalmente e, en relación co anterior, pregúntalle á secretaria cal é o requisito para facer unha delegación de funcións. Por parte da secretaria infórmase de que as delegacións precisan unha resolución da alcaldía e publicación das mesmas no BOP.

- No Pleno anterior o BNG solicitou a adaptación e renovación da páxina web do Concello de Xermade; ademáis recentemente publicouse un anuncio para prazas de peons cuio acceso era moi difícil.
O Alcalde toma nota, e dará traslado ó responsable da páxina.
- A concelleira do BNG pregunta polas obras a facer nas beirarrúas de Roupar.

O Alcalde responde que se trata de obras xestionadas pola asociación de veciños.

O BNG formula as seguintes preguntas presentas no rexistro municipal:

- No pleno ordinario do mes de outubro, aprobouse por unanimidade unha moción do grupo municipal do BNG “en apoio para cubrir o profesorado necesario do CEIP de Xermade”.

- **Cal é a situación a día de hoxe?**
 - **Realizou o concello algunha xestión ante a Consellería de Educación dende que se aprobou a moción no pleno?**

O Alcalde sinala que a situación é a mesma, xa que o profesorando é o mesmo e en relación coas xestións realizadas dí que a moción foi remitida ó CEIP, ANPA e á Consellería de Educación unha certificación do acordo plenario de aprobación da moción presentada e ademáis falou cun parlamentario, apoioando o seu grupo socialista a devandita moción.

- O pasado 22 de xaneiro rematou o prazo de Alegacións ao PXOM no concello de Xermade.

Neste último mes de alegacións, conseguido por unha moción do BNG no pleno ordinario do mes de decembro, o equipo redactor estivo no concello os xoves para atender as dúbidas da veciñanza. Pese a iso non acudiu todos os xoves, por exemplo, o día 7 de xaneiro (despois de Reis) aínda que a media de consultas superaba a vintena diaria (proba diso é o gran número de alegacións presentadas).

Por outra banda, parte da veciñanza preocupada pola nova situación na que quedaban as súas propiedades, intentou levar a cabo consultas ao Arquitecto Municipal e este non se atopaba no concello.

- **Cal é o motivo polo que o equipo redactor do PXOM reduciu os días de consulta veciñal neste último mes de alegacións?**
- **A que se debe que nalgúnha semana non aparecera polo concello?**
- **Realizouse dende o concello algunha queixa pola falta de compromiso do equipo redactor?**
- **Cal é o horario do Arquitecto Municipal?**

O Alcalde responde que o equipo redactor tiña o compromiso de vir varios días ás semana durante o prazo inicialmente previsto de dous meses e rematado o mesmo, dixo que fa vir ó concello únicamente un día. Informa que o día que faltou chamouno por teléfono e insiste en que o compromiso inicial o mantiveron durante os primeiros dous meses.

En relación co horario do arquitecto municipal, o Alcalde responde que ven os martes, e que se non se atopaba no concello seica estaba realizando algúun traballo por fora, algo que fai habitualmente cando as circunstancias o esixen, ademáis de atender ó público. Tamén di que algunha semana cambia o día por motivos xustificados.

- No pleno ordinario do mes de outubro aprobouse, cos votos a favor do PSOE e do PP e a abstención do BNG, a proposta de declarar público o camiño das Casas Novas na parroquia de Xermade.

- **Cal é a situación a día de hoxe?**
- **Está o camiño aberto e transitable?**

Informa o Alcalde que, a día de hoxe, o procedemento en vía administrativa ordinaria rematou, e estase agardando un tempo prudencial a ver se a parte denunciada acude a xurisdicción civil ordinaria. O camiño está nas mesmas condicións que estaba no verán e segundo o que pase, adoptaránse as medidas oportunas.

- O pasado día 3 de decembro de 2015 entrou no rexistro do concello unha factura de aluguer dunha carpa por un importe de 605 €.

En que foi empregada a carpa?

O Alcalde informa de que a carpa foi para a festa de Momán, foi algo excepcional xa que o que pasou foi que ían prestar unha carpa a Asociación de veciños de Piñeiro e no ultimo momento non foi posible, polo que acudiron ó concello a solicitar unha axuda. Tamén foi por compensar dalgún modo a dita parroquia.

O voceiro do BNG lémbralle que hai máis de quince festas e tampoco Candamil recibe nada.

O Alcalde insiste en que foi algo excepcional.

- Nestes momentos o Concello de Xermade non dispón de persoal de obras e servizos para levar a cabo as distintas funcións de mantemento que acostuma a facer o citado persoal. Entre as tarefas que acostuman a facer atópase o mantemento de campos de fútbol e xardíns así como a limpeza de beirarrúas.

Sen restar importancia ás outras tarefas, o mantemento de campos de fútbol supón unha importante carga de traballo que se verá incrementada nos próximos meses coa chegada da primavera na que a herba medra máis de presa.

- **Quen levou a cabo estas tarefas nos últimos meses?**
- **Hai previsto contratar algún operario para que, de xeito continuado, as leve a cabo?**

O Alcalde dí que foi a empresa López de Roupar a que fixo ditas tarefas os últimos meses e nalgún caso o fixo algúun voluntario das directivas das asociacións. En relación á segunda pregunta dí que inicialmente vánse contratar dous operarios con cargo ó Fondo de Compensación Ambiental, e o voceiro do BNG lémbralle que a convocatoria fala de espazos naturais.

- No pasado verán a Confederación Hidrográfica Miño-Sil levou a cabo unha obra na área recreativa de Cabreiros cun orzamento de 150.000 €, financiados polo Ministerio de Agricultura, Alimentación e Medio Ambiente. Esta obra consistiu na eliminación das comportas situadas na praia fluvial e a retirada de fango na canle do río correspondente á praia fluvial, xustificándoas (na prensa e para a veciñanza) como a solución para as inundacións na parroquia de Cabreiros.

Trátase dunha obra cun orzamento excesivamente elevado para a actuación feita que, ademais, non cumple cos obxectivos para os que se levou a cabo: "Obras de emerxencia para a limpeza e reparación de danos no Dominio Público Hídralico no río Trimaz en Xermade".

- **Visto que a obra non solucionou o problema das enchentes, púxose o concello en contacto coa Confederación Hidrográfica explicando a persistencia do problema das inundacións?**
- **Ten pensado o concello levar a cabo algunha actuación para recuperar a praia tal e como levaba o equipo de goberno no seu programa electoral?**

En Xermade, a 28 de xaneiro de 2016.

O Alcalde informa de que falou cos da Confederación Hidrográfica e que consideran que coa eliminación das comportas sería suficiente. E respondendo ó tema da recuperación da praia dí que algo hai que mirar de facer de cara ó verán e habilitar unha zona de baño.

- O voceiro do BNG dí que recentemente, o Alcalde dixo na prensa que ía solicitar un obradoiro de emprego, de albanilería e pregunta polo motivo, xa que un dos sectores con más paro. O Alcalde responde que hai moita demanda de obras, e D. Óscar González Pardo di que está valorando as demandas do concello e non mirando polo fomento do emprego.

O Grupo Municipal Popular formula a seguinte pregunta:

- Na Estrada provincial LU- P-2205 de Xermade, por Miraz, a Portosouto, próximo ó cruce coa LU-P-2208 de Mazandoi por Piñeiro a Portousuto é frecuente que cando chove, a auga cruza a estrada , por falta de limpeza e tubos, desfacendo o firme, e provocando perigosidade na circulación nese punto.

Anteriormente xa se dirixiron escritos á Deputación para subsanrar ese problema (limpeza de cunetas) sen que a empresa de conservación de estradas provinciais o fixera. En días pasados unha empresa fixo traballos de limpeza nese punto, aínda que sen a retirada se materiais necesaria,

- Qué empresa realizou os traballos de limpeza?
- Ordenou á Deputación a realización dos traballos?
- Si o fixo o Concello, pasará o importe da factura, ben a empresa que ten o mantemento das estradas provinciais ou ben á Deputación, por ser a titular das estradas?

O Alcalde informa de que viñeron varios veciños queixándose da situación cando chovía tanto, comunicando que os coches se ían da calzada, e dí que chamou á Deputación informando da situación e mandaron unha máquina; entende que a causa foron os lodos das vías municipais e por iso o concello asumiou os gastos, pero dí que a Deputación vai compensar por outra vía.

O voceiro do PP dí que a factura a ten que pagar á Deputación Provincial por ser unha vía da súa titularidade.

O Alcalde remata dicindo que o fixo para evitar desgrazas persoais.

Non habendo máis asuntos que tratar, o Sr. Presidente levanta a sesión, sendo as vinte horas e nove minutos do expresado día. Autorízase a presente acta coa sinatura do Alcalde e da Secretaria que da fe.

V.e Pr.
O Alcalde



Asdo.- Roberto García Pernas.

A Secretaria Interventora

Asdo.:Ana Elena Fernández del Valle

